



Broj: 04-20-2194-1/25
Ključ, 03.11.2025. godine

Na osnovu člana 40. Statuta Općine Ključ („Službeni glasnik Općine Ključ“, broj: 3/10 i 3/11) i člana 7. Pravilnika o utvrđivanju uslova za ostvarivanje prava na poticaje proizvodnje, poticaj jesenske sjetve – sjetva ozimih strnih žita (pšenice, raži, ječma, zobi i tritikale) u 2025. godini broj: 04-20-2194/25 od 03.11.2025. godine, Općinski načelnik Općine Ključ raspisuje:

JAVNI POZIV
ZA OSTVARIVANJE PRAVA NA POTICAJE PROIZVODNJE
POTICAJ JESENSKE SJETVE
SJETVA OZIMIH STRNIH ŽITA (PŠENICE, RAŽI, JEČMA, ZOB I TRITIKALEA) U 2025. GODINI

I. PREDMET JAVNOG POZIVA

Predmet Javnog poziva je prikupljanje prijava za ostvarivanje prava na poticaje proizvodnje, poticaj jesenske sjetve – sjetva ozimih strnih žita (pšenice, raži, ječma, zobi i tritikalea) u 2025. godini po Programu poticaja proizvodnje.

II. IZVOR I VISINA NOVČANIH SREDSTAVA

Osigurana novčana sredstva za Program poticaja proizvodnje, poticaj jesenske sjetve – sjetva ozimih strnih žita (pšenice, raži, ječma, zobi i tritikalea) u 2025. godini su sredstva iz Budžetu općine Ključ za 2025.godinu sa ekomomskog koda 614500, "Podsticaj poljoprivrednoj proizvodnji " u iznosu od 20.000,00 KM.

III. PRAVO UČEŠĆA

Pravo učešća po ovom Javnom pozivu imaju korisnici : pravna lica, obrtnici i fizička lica sa područja općine Ključ, koji poljoprivrednu proizvodnju ostvaruju na području općine Ključ, koji su izvršili kupovinu sjemena ozimih strnih žita u 2025.godini a koji ispunjavaju uslove određene u tački V. ovog Javnog poziva.

IV. USLOVI KOJE MORAJU ISPUNJAVATI KORISNICI

Korisnik – pravno lice, obrtnici i fizička lica mora ispunjavati slijedeće uslove:

- da je upisan u Registar poljoprivrednih gazdinstava (RPG) i/ili Registar klijenata (RK) u općini Ključ;
- da je ažurirao/izvršio promjenu podataka u RPG i/ili RK u Općini Ključ za 2025.godinu,
- da je izvršio kupovinu:
 - sjemena ozimih strnih žita u 2025.godini, minimalno: pšenice 46 kg, raži 40 kg, ječma 44 kg, zobi 30 kg i tritikalea 50 kg/ha, korisnici koji su zasnovali proizvodnju na minimalnoj površini 0,2 ha po kulturi
- da je obavio jesensku sjetvu u 2025. godini na području općine Ključ, što će provjerom na terenu (na 10% podnesenih zahtjeva metodom slučajnog uzorka) utvrditi nadležna Služba za razvoj, privredu i civilnu zaštitu.

V. POTREBNA DOKUMENTACIJA ZA PRIJAVU

Za prijavu na ovaj Javni poziv korisnici su dužni dostaviti slijedeću dokumentaciju:

- popunjen Prijavni obrazac za Javni poziv,
- fiskalni računi/fakture o izvršenoj kupovini sjemena ozimih strnih žita za jesensku sjetvu 2025.godine – (original ili ovjerena kopija),
- deklaracije o kvalitetu sjemena poljoprivrednog bilja – (kopija)

VI. NAČIN PREUZIMANJA OBRAZACA ZA PRIJAVU

Prijavni obrazac za Javni poziv za ostvarivanje poticaja proizvodnje, poticaj jesenske sjetve – sjetva ozimih strnih žita (pšenice, raži, ječma, zobi i tritikalea) u 2025. godini, može se preuzeti sa službene internet stranice Općine Ključ, www.opcina-kljuc.ba ili u prostorijama Općine, kancelarija broj 4, ulica Branilaca BiH br. 78, 79280 Ključ, svakim radnim danom u vremenu od 07:30 -15:00 sati.

VII. NAČIN PODNOŠENJA PRIJAVA

Dostavljanje prijava na Javni poziv sa svom propisanom dokumentacijom se vrši preporučeno poštom ili lično u šalter Sali Općine Ključ, u zapečaćenoj koverti na adresu:

Općina Ključ, ulica Branilaca BiH br. 78, 79280 Ključ

sa naznakom:

Ne otvaraj – „Prijava na Javni poziv za učešće u programu poticaja proizvodnje, poticaj jesenske sjetve – sjetva ozimih strnih žita (pšenice, raži, ječma, zobi i tritikalea) u 2025. godini”.

Na poleđini koverta navesti naziv pravnog lica/obrta, ime i prezime fizičkog lica podnosioca prijave i adresu.

VIII. PROVJERA STATUSA PODNOSIOCA PRIJAVE

Provjera statusa pravnog lica, obrtnika i fizičkog lica u Registru poljoprivrednih gazdinstava i/ili Registru klijenata će se vršiti po službenoj dužnosti u Službi za razvoj, privredu i civilnu zaštitu.

IX. IZNOS SREDSTAVA PO KORISNIKU

Sredstva će biti proporcionalno raspoređena svim korisnicima a vršiće se na osnovu dostavljenih fiskalnih računa/faktura.

X. REZULTATI JAVNOG POZIVA

Nakon obrade pristiglih prijava od strane Komisije za ostvarivanje općinskih novčanih poticaja, utvrđivanja ispunjavanja uslova po Javnom pozivu za prikupljanje prijava za program poticaja proizvodnje, poticaj jesenske sjetve – sjetva ozimih strnih žita (pšenice, raži, ječma, zobi i tritikalea) u 2025. godini, komisija će sačiniti spisak/listu korisnika koji ispunjavaju uslove po Javnom pozivu, ostvaruju pravo na poticaj kao i visinu novčanih poticaja po korisniku.

Odlukom Općinskog načelnika će se odobriti isplata novčanih poticaja u visini utvrđenoj od strane komisije.

Javni poziv i rezultati ovog Javnog poziva biće objavljeni na službenoj web stranici Općine Ključ, www.opcina-kljuc.ba i na oglasnim pločama Općine Ključ.

XI. ROK PODNOŠENJA PRIJAVA

Javni poziv ostaje otvoren 20 dana od dana objave (do 24.11.2025.godine) i biće objavljen na internet stranici Općine Ključ i oglasnim pločama Općine Ključ.

Nepotpune i neblagovremene prijave neće se uzeti u razmatranje.

XII. DODATNE INFORMACIJE

Za sve dodatne informacije možete se obratiti lično u kancelariju broj 4. ili putem telefona 037/316-232.

Obrađivač:

Služba za razvoj, privredu i civilnu zaštitu

Dostavljeno:

1. Oglasna ploča
2. službena internet stranica Općine
3. a/a



OPĆINSKI NAČELNIK

dr.sc. Jasmin Musić